






695



劉夢得文集

二





劉夢得文集卷第五

雜體詩

翠微寺有感

觀莫徠獵西山

觀舞柘枝

君山懷古

秋江晚泊

臨江寓望

秋日送客

登武陵城

謝寄三癖詩

寄上都同舍

寄京師親友


請告東歸

題湖城驛池亭

平蔡州

平齊行

城西行



說笛歌

試茶歌

偃松

荅東陽于令

贈致仕滕庶子

詠红柿子

庭竹

臺城懷古

題壽安甘棠館

與歌者米嘉榮

聽穆氏唱歌

渾侍中牡丹

看牡丹

與歌者何戡

與歌童田順郎

題破屏風

賞牡丹

寄陝州姚中丞

訓崔郎中

翠微寺有感

吾王昔遊幸離宮雲際開朱旗迎夏畢涼軒避  
暑來湯餅賜都尉寒冰頰上才龍驄不可望玉  
坐生浮埃

連州臘日觀莫徭獵西山

海天殺氣薄蠻軍部伍囂林紅葉盡變原黑草  
初燒圍合繁鉦息禽興大旆搖張羅依道口嗾  
犬上山腰猜鷹屢奮迅驚磨時跼跳瘴雲四面  
起臘雪半空銷箭頭餘鵠血鞍傍見雉翹日暮  
還城邑金茄發麗譙

觀舞柘枝二首

胡服何威蕤，僊僊登綺墀。神飈獵紅蕖，龍燭映  
金枝。垂帶覆纖腰，安鈿當嫵眉。翹袖中繁鼓，傾  
牟遡華穰。燕餘有舊曲，淮南多冶辭。欲見傾城  
處，君看赴節時。

山鷄臨清鏡，石燕赴遙津。何如上客會，長袖入  
華茵。體輕似無骨，觀者皆聳神。曲盡回身去，曾  
波猶注人。

晉王君山懷古

屬車八十一，此地阻長風。千載威靈盡，諸山寒

水中

秋江晚泊

長泊起秋色，空江涵霽暉。暮霞千萬狀，賓鴻次  
第飛。古戍見旗迴，荒村聞犬稀。軻峨扁上客，勸  
酒夜相依。

步出武陵東亭臨江寓望

鷹至感風候，霜餘變林麓。孤颿帶日來，寒江轉  
沙曲。戍遙旗影動，津晚櫓聲促。月上綵霞收，漁  
歌遠相續。

秋日送客

候吏立沙際田家連竹溪楓林社日鼓茅屋午  
時雞雀噪晚禾地蝶飛秋草畦驛樓宮樹近疲  
馬再三嘶

晚歲登武陵城顧望水陸悵然有作

星象承烏翼蠻陬想犬牙俚人祠竹節仙洞閉  
桃花城基歷漢魏江源自賓巴華表廖立墓菜  
地黃瓊家霜輕菊秀晚石淺水文斜樵音遶故  
壘汲路明寒沙清風稍改葉盧橘如含葩野橋  
鳴驛騎叢祠發迥笳跳鱗避舉網倦鳥寄行查  
路塵高出樹山火遠連霞夕曛轉赤岸浮藹起

蒼葭軋軋渡溪槩連連赴林鴉叫閣道非遠賜  
環期自賒孤臣本危涕喬木在天涯

湖州崔郎中曹長寄三癖詩自言癖在詩  
與琴酒其詞逸而高吟詠不足昔柳吳興  
亭臯隴首之句王融書之白團扇故爲四  
韻以謝之

視事畫屏中自稱三癖翁管絃泛春渚旌旆拂  
晴虹酒對青山月琴韻白蘋風會書團扇上知  
君文字工

爲郎分司寄上都同舍

籍通金馬門身在銅駝陌省闈畫無塵宮樹遠  
凝碧荒街淺深轍古渡潺湲石唯有嵩丘雲堪  
誇早朝客

登陝州城北樓卻憶京師親友

獨上百尺樓目窮思亦愁初日徧露草野田荒  
悠悠塵息長道白林清宿煙收回首雲深處永  
懷帝御游

請告東歸發霸橋卻寄諸僚友

征途出霸溪回首傷如何故人雲雨散滿目山  
川多行車無停軌流景同迅波前歡漸成昔感

歎益勞歌

秋晚題湖城驛池上亭

秋次池上館林塘照南榮塵衣紛未解幽思浩  
已盈風蓮墜故萼露菊含晚英恨爲一夕客愁  
懷晨雞鳴

平蔡州 三首

蔡州城中衆心死杖星夜落照壕水漢家飛將  
下天來馬箠一揮門洞開賊徒崩騰望旗拜有  
若羣蟄驚春雷狂童面縛登檻車大帛天矯垂  
捷書相公從容來鎮撫常侍郊迎負文弩四人

歸業閭里間小兒跣踉健兒舞

汝南晨雞喔喔鳴城頭鼓角音和平路傍老人  
憶舊事相與感激皆涕零老人收淚前致辭官  
軍入城人不知忽驚元和十二載重見天寶承  
平時

門衢車馬渾渾流使臣來獻淮西囚四夷聞風  
失匕箸天子受賀登高樓杖童擢髮不足數血  
汚城西一坏土南峯無火楚澤間夜行不鎖穆  
陵關策勲禮畢天下泰猛士按劍看常山

時唯常山不庭

平齊行 二首

胡塵昔起薊北門河南地屬平盧軍貂裘代馬  
繞東嶽嶧陽孤桐削為角地形十二虜意驕恩  
澤含容歷四朝魯人皆科帶弓箭齊人不復聞  
簫韶今朝天子聖神武手握立符平九土初哀  
狂童襲故事文告不來方震怒去秋詔下誅東  
平官軍四合猶嬰城春來羣鳥噪且驚氣如壞  
山墮其庭牙門大將有劉生夜半射落攬槍星  
帳中虜血流滿地門外三軍舞臂盟

一作連驛臂盟

騎函首過黃河城中無賊天氣和朝廷侍郎來  
慰撫耕夫滿野行人歌泰山沈寇六十年旅祭

不饗生愁煙今逢聖君欲封禪神使陰兵來助  
戰秋氣掃盡河水清日觀杲杲卿雲見

開元皇帝東封時百神受職爭奔馳千鈞猛簇  
順流下洪波涵淡浮熊羆侍呂燕公秉文筆玉  
檢告天無愧詞當今叡孫承聖祖嶽神望幸河  
宗舞青門大道屬車塵共待葳蕤翠華舉

### 城西行

城西簇簇三叛族叛者爲誰蔡吳蜀中使提刀  
出禁來九衢車馬轟成雷臨刑與酒杯未覆仇  
家百官先請肉守吏能然董卓臍飢烏來覘相

玄目城西人散泰街平雨洗血痕春草生

### 武昌老人說笛歌

武昌老將七十餘手把庾令相問書自言少小  
學吹笛早事曹王曾賞激往年鎮戍到蘄州楚  
山蕭蕭笛竹秋當時買林恣搜索典却身上烏  
貂裘古苔蒼蒼封老節石山孤生鮑風雪高聲  
五音隨指發水中龍應行雲絕曾將黃鶴樓上  
吹一聲占盡秋江月如今老去語猶遲音韻高  
低耳不知氣力已無心尚在時時一曲夢中吹

### 西山蘭若試茶歌

山僧後簷茶數叢春來映竹抽新茸莞然爲客  
振衣起自傍芳叢摘鷹觜斯須碾成滿室香便  
酌砌下金沙水驟雨松聲入鼎來白雲滿盃若  
徘徊悠揚噴鼻宿醒散清峭徹骨煩襟開陽崖  
陰嶺各殊氣未若竹下莓苔地炎帝雖嘗未解  
煎桐君有錄那知味新芽連拳半未舒自摘至  
僧言靈味宜幽寂采采翹英爲嘉客不辭緘封  
寄郡齋甑井銅鑪損標格何況蒙山顧渚春白  
泥赤印走風塵欲知花乳清冷味須是眠雲卧

石人

廟庭偃松

并引

侍中後閣前有小松不待年而偃丞相晉公爲  
賦詩美其猶龍蛇然植于高簷喬木間上欽軋  
盤蹙傾亞似不得天和者公以遠物性爲意乃  
加憐焉命畚土以壯其趾使無歌索絢以牽其  
幹使不仆盥漱之餘以潤之顧盼之輝以照之  
發於仁心感召和氣無復天闕坐能敷舒翫之  
踰感化爲竒古故雖衰文而有偃號焉予嘗詣  
閣白事公爲道所以且示以詩竊感嘉木之逢

時斐然成韻

勢軋枝偏根已危高情一見與扶持忽從顛顛  
有生意却爲離披無俗姿影入巖廊行樂處韻  
舍天籟宿齋時謝公莫道東山去待取陰成滿  
鳳池

答東陽于令涵碧圖

并引

東陽令于興宗丞相燕國公之猶子生綺襦紈  
袴間所見皆貴戚而絜然有心如山東書生前  
年白有司願爲親民官以自効遂補東陽及莅  
官以簡易爲治故多暇日一旦於縣五里偶得

奇境埋沒於蘄薈中于生自以有持操而生於  
公侯家由覆廕入仕常忽忽歎息因移是心開  
挾泉石芟去蘿蔦斧凡材畚息壤而清溪翠巖  
森立坐來因構亭其端題曰涵碧流貫于庭中  
如青龍蜿蜒冰去聲澈射人樹石雲霞列于前昏  
旦萬狀惜其居地不得有聞於時故圖之來乞  
詞旣無負尤物子亦以蘄薈蘿蔦者觀之慨然  
遂賦七言以貽後之文士矣

東陽本是佳山水何況曾經沈隱侯化得邦人  
解吟詠如今縣令亦風流新開潭洞疑仙境遠

寫丹青到雍州落在尋常畫師手猶能三伏凜  
生秋

贈致仕滕庶子先輩

時及第人  
中最長

朝服歸來晝錦榮登科記上更無凡壽觴每使  
曾孫獻勝境長攜衆妓行矍鑠據鞍能騁健慙  
勤把酒尚多情凌寒却嚮山陰去衣繡郎君雪  
裏迎

時令子爲御史  
主務在越中

詠红柿子

曉連星影出晚帶日光懸本因遺採掇翻自保  
天年

庭竹

露滌鈿粉節風搖青玉枝依依似君子無地不  
相宜

臺城懷古

清江悠悠王氣沈六朝遺事何處尋宮牆隱嶙  
圍野澤鸛鷓夜鳴秋色深

題壽安甘棠館

二首

公館似仙家池清竹逕斜山禽忽驚起衝落半  
巖花

門前洛陽道門裏桃源路塵土與煙霞其間十

餘步

與歌者米嘉榮

唱得涼州意外聲  
舊人唯數米嘉榮  
近來時世輕先輩  
好染鬚事後生

聽舊宮中樂人穆氏唱歌

曾隨織女渡天河  
記得雲間第一歌  
休唱貞元供奉曲  
當時朝士已無多

渾侍中宅牡丹

徑尺千餘朶  
人間有此花  
今朝見顏色  
更不嚮諸家

唐郎中宅與諸公同飲酒看牡丹

今日花前飲  
甘心醉數杯  
但愁花有語  
不爲老人開

與歌者何戡

二十餘年別帝京  
重聞天樂不勝情  
舊人唯有何戡在  
更與慇懃唱渭城

與歌童田順郎

天下能歌御史娘  
花前月底奉君王  
九重深處無人見  
分付新聲與順郎

燕耳館破屏風所畫至精人多歎賞題之

畫時應遇空亡日賣處難逢識別人唯有多情  
往來客彊將衫袖拂埃塵

賞牡丹

庭前芍藥妖無格池上芙蓉淨少情惟有牡丹  
真國色花開時節動京城

寄陝州姚中丞

時分司  
東都

八月天地肅二陵風雨收旌旗闕下來雲日關  
東秋禹跡想前事漢臺餘故丘徘徊襟帶地左  
右帝王州留滯悲昔老恩光榮徽侯相思望棠  
樹一寄商聲謳

奉詔湖州崔郎中見寄

山陽昔相遇灼灼晨葩鮮同遊翰墨場和樂填  
篋然一落遊宦途浩如乘風舩况當衰暮日卧  
理淮海壖猶期謝病後共樂桑榆年

劉夢得文集卷第五



送李僕射

重送李相公

送張苕

送能判官

送韋秀才道冲赴制舉

送李策秀才

送張盥赴舉

送裴處士應舉

送錢侍御

辭李相公

送令狐相公

送趙中丞

送裴司徒令公

送李戶部侍郎

送李郎中

送杜錄事

夜宴盧常侍宅

送崔司業使君

送皇甫少尹

送蔡京

送唐舍人

送盧處士

送李秀才赴舉

送令狐博士

送李員外

送陳郎中

送李中丞

送李庚先輩

送廖參謀

送從弟郎中

送工部張侍郎入蕃弔祭

時張兼御史

月窟賓諸夏雲官降九天飾終鄰好重錫命禮  
容全水咽猶登隴沙鳴稍極邊路因乘駟近志  
為飲冰堅毳帳差池見鳥旗摇曳前歸來賜金

石榮耀自編年

早秋送臺院楊侍御歸朝

兄弟四人遍歷諸科二人同在省

仙署棣華春當時已絕倫  
今朝丹闕下更入白眉人  
重振高陽族分居要路津  
一門科第足五府辟書頻  
驚鳥得秋氣法星懸火旻  
聖朝寰海靜所至不埋輪

送工部蕭郎中刑部李郎中並以本官兼

中丞分命充京西京北覆糧使

霜簡映金章相輝同舍郎  
天威巡虎落星使出駕行  
罇俎成全策京坻閱見糧  
歸來虜塵滅畫

地奏明光

送李尚書鎮滑州

自浙西觀察徵拜兵部侍郎月餘有此拜也

南徐報政入文昌東郡須才別  
建章視草名高同蜀客擁旄  
年少勝荀郎黃河一曲當城下  
緹騎千重照路傍自古相門還  
出相如今人望在

巖廊

其後果繼韋平之族

送渾大夫赴豐州

自大瀉臘拜來承舊勳

鳳銜新詔降恩華又見旌旗出  
渾家故吏來辭辛屬國精兵願  
逐李輕車氍毹裘君長迎風懼  
錦領酋豪踏雪衙其柰明年好  
春日無人喚看牡

丹花

送源中丞充新羅冊立使

特中之孫

相門才子稱華簪持節東行捧德音官帶霜威  
舞鳳闕口傳天語到鷄林煙開鼉背千尋碧日  
落鯨波萬頃金想見扶桑受恩後一時西拜盡  
傾心

送陸侍御歸淮南使府五韻

用年

江左重詩篇陸生名久傳鳳城來已熟羊酪不  
嫌羶歸路芙蓉府離堂瑋瑁筵秦山呈臘雪隋  
柳布新年曾忝揚州薦因君達短牋

時從丞相鎮揚州嘗辱麥薦

送太常蕭博士弃官歸養赴東都

時元兄罷相為少師

仲兄為郎官並外司各邑

兄弟盡鴛鴦歸心切問安貪榮五彩服遂挂兩  
梁冠侍膳曾調鼎循陔更握蘭從今別君後長  
嚮德星看

送王司馬之陝州

自太常丞授工為詩

暫輟清齋出太常空攜詩卷赴甘棠府公既有  
朝中舊司馬應容酒後狂案牘來時唯署字風  
煙入興便成章兩京大道多遊客每遇詞人戰  
一場

洛中送楊處厚入關因遊蜀

洛陽秋日正淒淒君去西秦更向西  
舊學三冬今轉富曾傷六翮養初齊  
王城曉入窺丹鳳蜀路晴來見碧鷄  
早識卧龍應有分不妨從此躡丹梯

洛中逢韓七中丞之吳興口號

五首

昔年意氣結羣英幾度朝迴一字行  
海北天南零落盡兩人相見洛陽城  
自從雲散各東西每日歡娛却慘悽  
離別苦多相見少一生心事在書題

今朝無意訴離杯何況清絃急管催  
本欲醉中輕遠別不知翻引酒悲來

橐它橋上蘋風起鸚鵡杯中蕩雨春  
水碧山青知好處開顏一笑嚮何人

谿中士女出笆籬谿上鴛鴦避畫旗  
何處人間似仙境春山攜妓採茶時

送周使君罷渝州歸郢中別墅

君思郢上吟歸去故自渝南擲郡章  
野戍岸邊留畫舸綠蘿陰下到仙莊  
池荷雨後衣香起庭草春深綬帶長  
紙恐鳴騶催上道不容待得晚

菰嘗

發華州留別張侍御賈

束簡下延閣假符驅短轅同人惜分袂結念醉  
芳罇切切別絃急蕭蕭征騎煩臨岐無限意相

視却忘言

張詩云夫子生知者相期  
性理中遂有忘言之句

奉送家兄歸王屋山隱居

二首據道書王屋  
山一名陽洛山

陽洛天壇上依稀似玉京夜分先見日月淨遠  
聞笙雲路將雞犬丹臺有姓名古來成道者兄  
弟亦同行

春來山事好歸去憶逍遙水淨苔莎色露香芝

木苗登臺吸瑞景飛步翼神飈願薦墳麓曲相  
將學玉簫

送王師魯協律赴湖南使幕

即永穆  
公之孫

翩翩馬上郎驅傳渡三湘橘樹沙洲暗松醪酒  
肆香素風傳竹帛高價騁琳琅楚水多蘭若何  
人事奉芳

別友人後得書因以詩贈

前時送君去揮手青門橋路轉不相見猶聞馬  
蕭蕭今得出關書行塵日已遙春還遲君至共  
結芳蘭茗

奉送浙西李僕射相公赴鎮

奉送至臨泉驛書札見劉拙詩時在汝州

建節東行是舊遊  
歡聲喜氣滿吳州  
郡人重得黃丞相  
童子爭迎郭細侯  
詔下初辭溫室樹  
夢中先到景陽樓  
自憐不識平津閣  
遙望旌旗汝水頭

重送浙西李相公頃嘗鎮江南已經七載  
後歷滑臺劍南兩鎮遂入相今復領舊地

新加旌旄

江北萬人看玉節  
江南千騎引金鏡  
鳳從池上遊滄海  
鶴到遼東識舊巢  
城下清波含百谷  
牕

中遠岫列三茅  
碧雞白馬徧翔  
夕却憶朱方是樂郊

送華陰尉張若赴邕府使幕

張即燕公之孫頃坐事除名

昔忝南宮郎往來東觀頻  
嘗披燕公傳聳若窺  
三辰翊聖崇國本保賢正  
朝倫高視緬今古清  
風夔無鄰蘭錡照通衢  
七家十朱輪鄩國嗣侯  
絕薦鄉貴業貧夫子承  
大名少年振芳塵青袍  
仙掌下矯首凌煙昊公治  
本非罪潘郎一爲民  
風霜苦搖落堅白無緇磷  
一旦逢良時天光燭  
幽淪重爲長裾客佐彼觀  
風臣分野窮禹畫人

煙過虞巡不言此行遠所樂相知新雨起巫山  
陽鳥鳴湘水濱離筵出蒼莽別曲多愁辛今朝  
一杯酒明日千里人彼此孤舟去悠悠天海春

送湘陽能判官孺登府罷歸鍾陵因寄呈

江西裴中丞二十三兄

三首

射策志未就從事府云除篋留馬御賦袖有劉  
弘書忽見夏木深悵然憶吾廬復持州民刺歸  
謁專城居君家誠易知勝絕傾里閭人言北郭  
生門有卿相與

鍾陵藹千里帶郭西江水朱檻照河宮旗亭綠

雲裏前年初缺守慎簡由宸宸臨軒弄郡章得  
人方付此是時左馮翊天下第一理貴臣持牙  
璋優詔發青紙迎風汗吏免先令疲人喜何武  
刻腐儒陳蕃禮高士

昔外君子堂腰下綬猶黃

中丞時為萬年尉

汾陰有寶氣

赤堇多竒鏗束簡下曲臺佩韃來歷陽綺筵陪  
一笑蘭室襲餘芳風水忽異勢江湖遂相志因

君儻借問為話老滄浪

中丞為博士制相國柳宜城議識者躋之頃授余以其本厥後

牧和州節度使杜司徒以中丞才器俱偉欲軍裝以重戎府故授以本州團練使滿坐觀腰韃禮成歡甚相視而笑後房譙樂卜夜縱談子忝司徒之賓時僕未坐初中丞自尚書屯田員外郎出守踵其武者今給事中穆公代給事者右丞段公子不佞繼右丞之

後故曰藁  
餘芳焉

送韋秀才道冲赴制舉

驚禽一辭巢栖息無少安秋扇一離手流塵蔽  
霜紈故侶不可追涼風日日寒遠逢杜陵士別  
盡平生歡逐客無印綬楚江多芷蘭因君時暇  
遊長缺不復彈閱書南軒霽絙瑟清夜闌萬境  
身外寂一杯腹中寬伊昔立宗朝冬卿冠鴛鷺  
蕭穆昇內殿從容領儒冠游夏無措詞陽秋垂  
不刊至今羣王府學者空縱觀世人希德門揭  
若攀峯巒之子嚮明訓鏘如振琅玕一旦西上

書斑裳拂征鞍荆臺宿暮雨漢水浮春瀾君門  
起天中多士如星攢煙霞覆雙闕林舞羅子官  
清漏滴銅臺仙廚下雕盤熒煌仰金榜錯落飛  
濡翰古來長策人所歎遭時難一鳴從此始相  
望青雲端

送李策秀才還湖南因寄幕中親故兼簡

衡州呂八郎中

深春風日淨爭長幽鳥鳴僕夫前致詞門有白  
面生攝衣相問評解帶坐南榮端志見眉睫苦  
言發精誠因出懷中文調孤詞亦清悄如促柱

絃掩抑多不平乃言本蜀士世降岷山靈前人  
秉懿文高視來上京曳綬司徒府所從信國楨  
析薪委空林善響難繼聲何處依附郭幾人思  
邠城雲天望喬木風水悲流萍前與計吏西始  
引貢士名森然就筆札從試春官卿帝城岐路  
多萬足伺晨星茫茫風塵中工拙同有營寒女  
勞夜織山苗榮寸莖侯門武繼踵衣褐誰將迎  
弱羽果摧頽壯心鬱怏怏諒無蟠木容聊覆蓬  
累行昨日評靈龜繇言利艱貞當求捨拔中必  
在審己明誓將息薄遊焦思窮筆精蒔蘭在幽

渚安得揚芬馨曰余摧落者散質負華纓一聆  
辛苦辭再動依鬱情身棄言不動愛才心尚驚  
恨無羊角風使爾化北溟論罷情益親涉旬忘  
歸程日攜邑中客間眺江上城晝憇命金壘宵  
談轉琰衡蕙風香塵尾月露濡桃笙忽被戒羸  
驂薄言事南征火雲蔚千里旅思浩已盈湘江  
含碧虛衡嶺浮翠晶豈伊水山異適與人事并  
油幕似崑丘粲然疊瑤瓊庾樓見清月孔坐多  
綠醞復有衡山守本自雲龍庭至和在靈府發  
越俸咸英一麾出營陽惠彼崑崙民隼旗辭灞

水居者皆涕零惟昔與伊人交歡在夙齡一從  
雲雨散滋我鄙悒萌北渚不堪愁南音誰復聽  
離憂若去水浩漾無時停嘗聞祝融峯上有神  
禹銘古石琅玕姿秘文螭虎形聖功奠遠服神  
物擁休禎賢人在其下仿像疑蓬瀛君行歷郡  
齋大袂拂雙旌飾容遇卽鑒肝膈可以呈昔日  
馬相如臨卬坐盡傾勉君刷羽翰早取凌青冥

送張盥赴舉

并引

古人以借受學爲同門友今人以借外名爲同  
年友其語孰見搢紳者皆道焉余於張盥爲文

人由是道也曩吾見爾之始生以老成爲祝今  
吾見爾之成人以未立爲憂吾不幸嚮所謂同  
年友當其盛時聯袂齊鑣亘絕九衢若屏風然  
今來落落如曙星之相望昔日會合不煩異席  
可長太息哉然而尚書右丞衛大受兵部侍郎  
武庭碩二君者當時偉人咸萬夫之望足以訂  
十朋之多也第如京師無騷騷爾無忻忻爾時  
秋也吾爲若叩商之謳幸有感夫二君子  
爾生始懸弧我作坐上賓引箸舉湯餅祝詞天  
麒麟今成一丈夫坎軻愁風塵長裾來謁我自

號廬山人道舊與撫孤悄然傷我神依依見眉  
睫嘿嘿含悲辛永懷同年友追想出谷晨三十  
二君子齊飛陵煙旻曲江一會時後會已凋淪  
況今三十載閱世難重陳盛時一已過來者日  
日新不如搖落樹重有明年春火後見琮璜霜  
餘識松筠肅機乃獨秀武抱亦絕倫爾今持我  
詩西見二重巨成賢必念舊保貴在安貧清時  
為丞郎氣力侔陶鈞乞取斗外水因之雲漢津

送裴處士應制舉

并引

晉人裴昌禹讀書數千卷於周官小戴禮尤邃

性是古敢言雖侯王不能卑下故與世相參差  
凡抵有位以索合行天下幾巨依反遍常歎諸侯  
莫可遊欲一見天子而未有路會今年詔書徵  
賢良昌禹大喜以為盡可以豁平生搏髀爵躍  
曰一觀雲龍庭足矣繇是裹三月糧而西徂咨  
余以七言為西遊之資籍耳

裴生久在風塵裏氣勁言高少知己注書曾學  
鄭司農歷國多於孔夫子往來訪我到連州無  
窮絕境終日遊登山雨中試蠟屐入洞夏裏披  
貂裘白帝城邊又相遇歛翼三年不飛去忽然

結束如秋蓬自稱對策明光宮人言策中說何  
事掉頭不荅看飛鴻彤庭翠松迎曉日鳳銜金  
榜雲間出中貴腰鞭立傾酒宰臣委佩觀搖筆  
古稱射策如彎弧一發偶中何時無由來草澤  
無忌諱努力滿挽當雲衢憶得童年識君處嘉  
禾驛後聯牆住垂釣鬪得王餘魚踏芳共登蘇  
小墓此事今同夢想間相看一笑且開顏老大  
希逢舊鄰里為君扶病到方山

送錢侍御自宣州幕拜官便於華州覲省  
五綵繡衣裳當年正相稱春風舊關路歸去真

多興蘭陔行可採蓮府猶迴瞪楊家紺幃迎侍御  
即王相謝守瑤華贈宣州崔相公御街草泛豔臺相  
公貴壻煙含凝曾是平昔遊無因理歸乘

將赴汝州途出浚下留辭李相公表臣

長安舊遊四十載鄂渚一別十四年後來富貴  
已零落歲寒松柏猶依然初逢貞元尚文主雲  
闕天池共翔舞相看却數六朝臣屈指如今無  
四五夷門天下之咽喉昔時往往生瘡疣聯翩  
舊相來鎮壓四海吐納皆通流久別凡經幾多  
事何由說得平生意千思萬慮盡如空一笑一

言真可貴世間何事最慙勤白頭將相逢故人  
功成名遂會歸老請嚮東山爲近鄰

送令狐相公自僕射出鎮南梁

夏木正陰成戎裝出帝京  
雲襟辭闕淚回首別鄉情  
雲樹襄中路風煙漢上城  
前旌轉谷去後騎踏橋聲  
久領駕行重無嫌虎綬輕  
終當提一筆再入副蒼生

送趙中丞自司金郎轉官參山南令狐僕

射幕府

趙氏兄弟皆僕射門客

綠樹滿裊斜西南蜀路  
賒驛門臨白草縣道過

黃花相府開油幕門生逐絳紗  
行看布政後還從入京華

送裴司徒令公自東都留守再命太原

自封晉國

公兩任相去十六年

星使出關東兵符賜上公  
山河歸舊國管籥換離宮  
行色旌旗動軍聲鼓角雄  
愛棠餘故吏騎竹見新童  
漢壘三秋靜胡沙萬里空  
其如天下望旦夕詠清風

送李戶部侍郎自河南尹再除本官歸闕

昔年內署振雄詞今日東都結去思  
宮女猶傳

洞簫賦國人先詠袞衣詩華星却復文昌位別  
鶴重歸太一池想到金門待稱籍一時驚喜見  
風儀

送蘄州李郎中赴任

楚關蘄水路非賒東望雲山日夕佳薤葉照人  
呈夏簟松花滿椀試新茶樓中飲興因明月江  
上詩情爲晚霞北地交親長引領早將玄鬢到  
京華

洛中春末送杜錄事赴蘄州

罇前花下長相見明日忽爲千里人君過午橋

回首望洛城猶自有殘春

夜宴福建盧常侍宅因送之鎮

暫駐旌旗洛水堤綺筵紅燭醉蘭闈美人美酒  
長相逐莫怕猿聲發建溪

洛中送崔司業使君扶侍赴唐州

綠野方城路殘春柳絮飛風鳴驪驪馬日照老  
萊衣洛苑魚書至江村鴈戶歸相思望淮水雙  
鯉不應稀

送河南皇甫少尹赴絳州

祖帳臨周道前旌指晉城午橋羣吏散亥字老

入迎詩酒每同樂別離方見情從茲洛陽社吟  
詠欠書生

送前進士蔡京赴學究科

時崔相公揚  
尚書掌選

耳聞戰鼓帶經鋤振發名聲自里閭已是世間  
能賦客更攻惚下絕編書朱門達者誰能識絳  
帳諸生盡不如幸遇天官舊丞相知君無翼上  
空虛

送唐舍人出鎮閩中

暫辭鴛鷺出蓬瀛忽擁貔貅鎮粵城閩嶺夏雲  
迎阜蓋建谿秋樹映紅旌山川遠地由來好富

貴當年別有情了却人間婚嫁事復歸朝右作  
公卿

送盧處士歸嵩山別業

世業嵩山隱雲深無四鄰藥鑪燒姹女酒甕貯  
賢人曉日華陰霧秋風函谷塵送君從此去鈴  
閣少談賓

送李友路秀才赴舉

誰憐相門子不語望秋山生長紈綺內辛勤筆  
硯閒榮親在名字好學弃官班竚俟明年桂高  
堂開笑顏

送國子令狐博士赴興元觀省

相門才子高陽族學省清資五品官諫院過時  
榮棣萼謝庭歸去踏芝蘭山中花帶煙嵐晚棧  
底江含雪水寒伯仲到家人盡賀柳營蓮府遞  
相歡

送李二十九兄真外赴邠寧使幕

家襲韋平身業文素風清白至今貧南宮通籍  
新郎吏西候從戎舊主人城外草黃秋有雪烽  
頭煙靜虜無塵鼎門為別霜天晚剩把離觴三  
五巡

送分司陳郎中祇召直史館重修實錄

蟬鳴官樹引行車言自成周赴玉除遠取南朝  
貴公子重修東觀帝王書常時載筆窺金匱暇  
日登樓到石渠若問舊人劉子政如今頭白在  
商於

送李中丞赴楚州

緹騎朱旗入楚城士林皆賀振家聲兒童但喜  
迎賢守故吏猶應記小名萬頃水田連郭秀四  
時煙月映淮清憶君初得崑山玉同嚮揚州攜  
手行

送李庚先輩赴選

一家何啻十朱輪諸父雙飛秉大鈞曾脫素衣  
麥幕客却爲精舍讀書人離筵洛水侵杯色征  
路函關嚮晚塵今日山公舊賓主知君不負帝  
城春

送廖參謀東遊二首

九陌逢君又別離行雲別鶴本無期望高樓上  
忽相見看過花開花落時  
繁花落盡君辭去綠草垂楊引征路東道諸侯  
皆故人留連必是多情處


送從弟郎中赴浙西并引

從弟三復十餘年間凡三爲浙右從事往年主  
公入相薦敷登朝中復從公鎮南未幾而罷昨  
以尚書外郎奉使至洛旋承新命改轅而東三  
從公皆在舊地徬諸故事夔無其倫故賦詩贈  
之亦志異也

銜命出尚書新恩換使車漢庭無右者梁苑重  
歸歟又食建業水曾依京口居  
劉將軍傳云  
昔人世家京共經  
無限事賓主兩如初

劉夢得文集卷第六

劉夢得集卷第六



劉夢得文集卷第七

送僧詩

別君素上人

送深法師

荅宣廣上人

送僧仲制

送僧元暲

送如智法師

贈讚頭陀

送慧則法師

過鴻舉法師

重送鴻舉

送僧方及

贈日本僧

贈眼醫僧

別浩初師

觀碁歌送僮師

贈別約師

送鴻舉師

送宵韻上人

送義舟師

送景玄師

送元曉上人

送惟良上人

送元簡上人

送宗密上人

贈別君素上人

并引

曩子習禮之中庸至不勉而中不思而得懔然知聖人之德學以至於無學然而斯言也猶示行者以室廬之奧爾求其徑術而布武未易得也晚讀佛書見大雄念物之普級寶山而梯之高揭慧火巧鎔惡見廣踈便門旁束邪徑其所

證入如舟泂川未始念於前而日遠矣夫何勉

而思之邪是余知突竊奧於中庸啓鍵關於內

典會而歸之猶初心也不知余者謂子因而後

援佛謂道有二焉夫悟不因人而在心而已其證

也猶啗人之享大牢信知其味而不能形於言

以聞去于耳也口耳之間兼寸耳尚不可使聞

他人之不吾知宜矣開士君素偶得子於所親

一麻栖草千里來訪素以道眼視子予以所視

視之不由陞級攜手智地居數日告有得而行

乃爲詩以見志云

窮巷唯秋草高僧獨扣門相歡如舊識問法到  
無言水爲風生浪珠非塵可昏去來皆是道此  
別不銷魂

送深法師遊南嶽

上人李住  
資聖寺

師在白雲鄉名登善法堂十方傳句偈八部會  
壇場飛錫無定所寶書留舊房唯應銜草鷹相  
送至衡陽

廣宣上人寄在蜀與韋令公唱和詩卷因

以令公手札荅詩相示

碧雲佳句久傳芳曾向成都住草堂振錫常過

長者宅披文猶帶令公香一時風景添詩思八  
部人天入道場若許相期同結社吾家本自有  
柴桑

送僧仲剎東遊兼寄呈靈澈上人

釋子道成神氣閒住持曾上清涼山晴空禮拜  
見真像金毛五髻卿雲間西遊長安隸僧籍本  
寺門前曲江碧松間白月照寶書竹下香泉洒  
瑤席前時學得經論成奔馳象馬開禪扃高筵  
談柄一麾拂講下聽徒如醉醒舊聞南方多長  
老次第來入荆門道荆州本自重彌天南朝塔

廟猶依然宴坐東陽枯樹下經行居此故臺邊  
忽憶遺民社中客爲我衡陽駐飛錫講罷同尋  
相鶴經間來共蠟登山屐一旦揚眉望沃洲自  
言王謝與同遊憑將雜擬三十首寄與江南湯  
蕙休

送僧元暲南遊

并引

子策名二十年百慮而無一得然後知世所謂  
道無非畏途唯出世間法可盡心爾繇是在硯  
席者多旁行山岡反四句之書備將迎者皆赤髭  
白足之侶深入智地靜通還源客塵觀盡妙氣

來宅內視曾中猶煎鍊然開士元暲姓陶氏本  
丹陽居家世有人爵不藉其資於毗丘禪那極  
細牢之義於中後日習摠持之門妙音奮迅願  
力昭荅雅聞子事佛而佞亟來相從或問師墮  
形之自對曰少失怙恃推棘心以求上乘積四  
十年餘羸老將至而不懈始悲浚泉之有冽今  
痛防墓之未遷塗芻莫備薪火恐滅諸相皆離  
此心長懸雖萬姓歸佛盡爲釋種如河入海無  
復水名然具一切智者豈遺百行求無量義者  
寧容斷思今聞南諸侯雅多大士思扣以苦調

而希其末光無容至前有足悲者予聞是說已  
力不足而悲有餘因為詩以送之庶乎踐霜露  
者聆之有惻也

寶書翻譯學初成振錫如飛白足輕彭澤因家  
凡幾世靈山預會是前生傳燈已悟無為理濡  
露猶懷罔極情從此多逢大居士何人不願解  
珠璣

送如智法師遊辰州兼寄許評事

前日過蕭寺看師上講筵都人禮白足施者散  
金錢方便無非教經行不廢禪還知習居士發

論待彌天

贈長沙讚頭陀

外道邪山千萬重真言一發盡摧峯有時明月  
無人夜獨向昭潭制惡龍

送慧則法師歸上都因呈廣宣上人

并引  
師精

淨名  
經

佛示滅後大弟子演聖言而成經傳心印曰法  
承法而能專曰宗由宗而分教曰支坐而攝化  
者勝義皆空之宗也行而宣教者摧破邪山之  
友也釋子慧則生於像季思濟劫濁乃學于一

支開彼羣迷以爲盡妙理者莫如法門變凡夫者莫如佛土悟無涖者莫如散花故業于淨名深達實相自京師涉漢沔歷鄢郢登熊湘聽徒百千耳感心化法無住道行而歸顧子有社內之因故言別之日愛緣瞥起時也秋盡詠江淹雜擬以送之前見宣上人爲我多謝  
昨日東林看講時都人象馬踏瑠璃雪山童子應前世金粟如來是本師一錫言歸九城路三衣曾拂萬年枝休公久別如相問楚客逢秋心更悲

秋日過鴻舉法師院便送歸江陵

并引

梵言沙門猶華言去欲也能離欲則方寸地虛虛而萬景入入必有所泄乃形乎詞詞妙而深者必依於聲律故自近古而降釋子以詩聞于世者相踵焉因定而得境故脩然以清由慧而遣詞故粹然以麗信禪林之藹萼而誠河之珠璣爾初鴻舉學詩於荆郢間私試切切詠發餘習蓋榛楛之翠羽弋者未之盼焉今年至武陵二千石始竒之有起子之歎以方袍親絳紗者十有餘旬繇是名稍聞而藝愈變閏八月余步

出城東門謁仁祠而鴻舉在焉與之言移時因告以將去且曰貧道雅聞東諸侯之工爲詩者莫若武陵今幸承其話言如得法印寶山之下宜有所持豈徒衣衾之中衆花而已余聞是說乃叩商而吟成一章章八句郡守以坐嘯餘詠激清徵而應之師其行乎足以資一時之學矣看畫長廊遍尋僧一逕幽小池兼鶴淨古木帶蟬秋客至茶煙起禽歸講席收浮盃明日去相望水悠悠

重送鴻舉赴江陵謁馬逢侍御

西北秋風凋蕙蘭洞庭波上碧雲寒茂陵才子江陵住乞取新詩合掌看

送僧方及南謁柳負外

并引

九江僧方及旣出家依匡山一時中頗屬詩以攬思古詩人暨今號爲能賦有輒求其詞吟呻之拳拳然多多益嗜願不出山者十年嘗登最高峯四望天海冲然有遠遊之志頓錫而言神馳而形閱者方內之徒及吾無方閱於何繇是耳得必目探之意行必身隨之雲遊鳥介

靈筵反

無迹而遠子爲連州居無何而方及至出

械中詩一篇以貺子視其詞甚富留一歲觀其  
行潔矩如教益多之一旦以行日來告且曰雅  
聞鳥味之下有賢諸侯願躋其門如蹈十地敢  
乞詞以抵之子唯然而賦顧其有重請之色起  
於顏間爾

昔事廬山遠精舍虎溪東朝陽照瀑水樓閣虹  
霓中騁望羨遊雲振衣若秋蓬舊房閉松月遠  
思吟江風古寺歷頭陀奇峯攀祝融南登小桂  
嶺却望歸塞鴻衣械貯文章自言學雕蟲槍榆  
念凌厲覆篋圖穹崇遠郡多暇日有時訪禪宮

石門聳峭絕竹院含空濛幽響滴巖溜晴芳廳  
野叢海雲懸颶毋山果屬狙公忽憶吳興郡白  
蘋正葱蘢願言挹風彩邈若窺華嵩桂水夏瀾  
急火山宵焰紅三衣濡茵露一錫飛煙空勿謂  
翻譯徒不爲文雅雄古來賞音者樵爨得孤桐

按狙公宜斥賦茅者而越絕書有猿公張衡賦吳都有猿  
父哀吟之句古文士又大權父由是而言謂猿爲父舊矣

贈日本僧智藏

深盃萬里過滄溟遍禮名山適性靈深夜降龍  
潭水黑新秋放鶴野田青身無彼我那懷土心  
會真如不讀經爲問中華學道者幾人雄猛得

寧馨

贈眼醫婆羅門僧

三秋傷望遠終日泣途窮兩自今先暗中年已  
老翁看朱漸成碧著日不禁風師有金篋術如  
何爲發矇

海陽湖別浩初師

并引

瀟湘間無土山無濁水民乘是氣往往清慧而  
文長沙人浩初生旣因地而清矣故去輦洗慮  
剔顛毛而壞其衣居一都之般易與士會得執  
外教盡捐苛禮自公侯守相必賜其清問耳目

灌注習浮於性而里中兒賢適與浩初比者嬰  
冠帶羨妻子吏得以乘凌之汨沒天慧不得自  
奮莫可望浩初之清光於侯門上坐第自吟羨  
而已浩初益自多其術尤勇於近達者而歸之  
往年之臨賀唁侍郎楊公留歲餘公遺以七言  
詩手筆于素前年省柳儀曹于龍城又爲賦三  
篇皆章書今復來連山以前所得雙南金出於  
械亟請余賡之按師爲詩頗清而弈碁至第三  
品二道皆足以取幸於士大夫宜薰餘習以深  
入也會吳郡以山水冠世海陽又以竒甲一州

師慕道於泉石宜爲篤故攜之以嬉及言旋復  
引與共載於湖上弈於樹石閒以植沃州之因  
緣且賦詩具道其事

近郭有殊境獨遊常鮮歡逢君駐緇錫觀貌稱  
林巒湖滿景方霽野香春未闌愛泉移席近聞  
石輟碁看風止松猶韻花繁露未乾橋形出樹  
曲巖影落池寒

湖東架險凡四橋山下出泉逗留爲池泓  
澄可愛者不可遍舉故狀其境以貽好事

別路千嶂裏詩情暮雲端他年買山處似此則  
隳官

### 觀碁歌送保師西遊

長沙男子東林師間讀藝經工弈碁有時疑思  
如入定暗覆一局誰能知今年訪余來小桂方  
袍袖中貯新勢山城無事秋日長白晝懵懵眠  
匡牀因君臨局看鬪智不覺遲景沈西牆自從  
山人遇樵子直到開元王長史前身後身付餘  
習百變千化無窮已初疑磊落曙天星次見搏  
擊三秋兵鷹行布陣衆未曉虎穴得子人皆驚  
行盡三湘不逢敵終日饒人損機格自言臺閣  
有知音悠然遠起西遊心商山夏木陰寂寂好  
處徘徊駐飛錫忽思爭道畫平沙獨笑無言心

有適藹藹京城在九天貴遊豪士足華筵此時  
一行出人意賂取聲名不要錢

贈別約師

并引

荆州人文約市井生而雲鶴性故去輦爲浮圖  
生悟而證入南抵六祖始生之墟得遺教甚悉  
今年訪余于連州且曰貧道昔浮湘川會柳儀  
曹謫零陵宅于佛寺幸聯棟而居者有年繇是  
時人大士得落耳界夫聞爲見因今日之來曩  
時之因爾今儀曹牧柳州與八句贈別

師逢吳興守相伴住禪高春雨同栽樹秋燈對

講經廬山曾結社桂水遠揚舲話舊還惆悵天  
南望柳星

送鴻舉師遊江西

并引

始余謫朗州爾時是師振麻衣裴然而前持文  
篇以爲僧贄唧唧而清如蟲吟秋自然之響無  
有假合有足佳者故爲賦三章以聲之距今年  
遇于建平赤嶽益蕃文思益深而內外學益富  
既評已探械中出前所與詩閱之紙勞墨瘁與  
我同容因思夫苒苒之光渾渾之輪時而言有  
初中後之分日而言有今昨明之稱身而言有

幼壯艾之期至乃一謦歎一彈指中際皆具何  
必求三生以異身邪然而視子之文昔與今有  
筵楹之別視子之書昔與今有鈞石之相懸視  
子之仕昔與今唯阿之差爾豈有工拙之數存  
乎其間哉蓋可勉而進者與日月而至矣彼儻  
來外物雖日月無能至焉是歲師告子遊江西  
復爲賦七言以爲遊地爾

禪客學禪兼學文出山初似無心雲從風卷舒  
來處處繚繞巴山不得去山州古寺好間居讀  
盡龍王宮裏書使君灘頭揀石硯白帝城邊尋

野蔬忽然登高心瞥起又欲浮盃信流水煙波  
浩淼魚鳥情東去三千二百里荆門峽斷無盤  
渦湘平漢闊清光多廬山霧開見瀑布江西月  
淨聞漁歌鍾陵八郡多名守半是西方社中友  
與師相見便談空想得高齋師子吼

送宵韻上人遊天台

曲江僧向松江見又道天台看石橋鶴戀故巢  
雲戀岫比君猶自不逍遙

送義舟師却還黔南

并引

黔之鄉在秦楚爲爭地近世人多過言其幽荒

以談笑間者又從而張皇之猶夫東蘊逐原燎  
或近乎語祆適有沙門義舟道黔江而來能畫  
地爲山川及條其風俗纖悉可信且曰貧道以  
一錫遊他方衆矣至黔而不知其遠始遇前節  
使而聞今節度益賢而文故其佐多才士摩圍  
之下曳裾秉筆彬然與兔園同風貧僧以外學  
嗜篇章時或攝衣爲末坐審其來也約主人乘  
秋風而還今乞詞以颺之如捧意珠行住坐卧  
知相好爾予曰唯命筆以爲七言以應之  
黔江秋水浸雲霓獨泛慈航路不迷猿狖窺齋

林葉動蛟龍聞唳浪花低如蓮半偈心常悟聞  
菊新詩手自攜常說摩圍似靈鷲却將山屐上  
丹梯

送景玄師東歸

并引

廬山僧景玄袖詩一軸來謁往往有句輕而適  
如鶴雛襪縱未有六翻而步舒視遠戛然一嘆  
乃非泥滓間物獻詩已斂滅而辭且曰其來也  
與故山秋爲期夫所者僧事也今無他請唯文  
是求故賦一篇以代瓔珞爾

東林寺裏一沙彌心愛當時才子詩山下偶隨

流水出秋來却赴白雲期灘頭躡屐挑沙菜路  
上停舟讀古碑想到舊房拋錫杖小松應有過  
簷枝

送元曉上人歸稽亭

重疊稽亭路山僧歸獨行遠峯斜日影本寺舊  
鐘聲徒侶問新事煙雲含別情應誇乞食處踏  
遍鳳凰城

送惟良上人

并引

以貌窺天者曰乾然而健于然而高以數逆天  
者曰其用四十有九天果以有形而不能脫乎

數立象以推筭既成而遺之古所謂神交造物  
者非空言爾軒皇受天命其佐皆聖人故得之  
惟唐繼天德如黃帝有外臣一行亦聖之徒與  
刊曆考元書成化去今丹徒人惟良生而能知  
非自外來以乾坤之筭當十朞之數凝神運指  
上感躔次視玄黃溟滓無倪有常絕機泯知獨  
以神會數起於復之初九音生乎黃鍾之宮積  
微本隱與言化合夫天人之數極而含變變而  
靡不通神趨鬼懾不足駭也惟良得一行之道  
故亦慕其為外臣謬謂余為世間聰明子子來

訪初以說合至于不言言息而理冥復申之以  
嗟嘆曰師其庶幾乎信神與之而不能測神之  
所以付信術通之而不能知術之所以至淺哉  
余聞乎曾井蛙醯雞之不若也長慶四年冬十  
一月甲子語至夜艾遂爲詩以志焉  
高齋灑寒水是夕山僧至玄牝無關鑠瓊書捨  
文字燈明香滿室月午霜凝地語到不言時世  
閒人盡睡

送元簡上人適越


孤雲出岫本無依勝景名山即是歸久向吳門

遊好寺還思越水洗塵機浙江濤驚師子吼稽  
嶺峯疑靈鷲飛更入天台石橋路垂珠璀璨拂  
三衣

送宗密上人歸南山草堂寺因詣河南尹  
白侍郎

宿習修來得慧根多聞第一却忘言自從七祖  
傳心印不要三乘入便門東泛滄江尋古跡西  
歸紫閣出塵喧河南白尹大檀越好把真經相  
對翻

劉夢得文集卷第七



劉夢得文集卷第八

樂府

團扇歌

荊州歌

紀南歌

宜城歌

順陽歌

馬嵬行

視刀環歌

三閤詞

更衣曲

淮陰行

競渡曲

堤上行

採菱行

秋風引

莫徭歌

蠻子歌

劉夢得八

洞庭秋月行

踏歌詞

華清詞

步虛詞

桃源行

魏宮詞

阿嬌怨

九華山歌

送春曲

初夏曲

柳花詞

送春詞

秋詞

團扇歌

團扇復團扇奉君清暑殿秋風入庭樹從此不相見上有乘鸞女蒼蒼網蟲遍明年入懷袖別

是機中練

荊州歌 二首

渚宮楊柳暗麥城朝雉飛可憐踏青伴乘暖著輕衣

今日好南風商旅相催發沙頭檣竿上始見春

江閣

紀南歌

風煙紀南城塵土荆門路天寒多獵騎走上樊

姬墓

宜城歌

野水遶空城行塵起孤驛荒臺側生樹石碣陽  
鐫額靡靡度行人溫風吹宿麥

順陽歌

朝辭官軍驛前望順陽路野水齧荒墳秋蟲鏤  
官樹曾聞天寶末胡馬西南驚城守魯將軍拔  
城從此去

馬嵬行

綠野扶風道黃塵馬嵬驛路邊楊貴人墳高三  
四尺乃問里中兒皆言幸蜀時軍家誅佞倖天  
子捨祆姬羣吏伏門屏貴人牽帝衣低徊轉美

目風日爲無暉貴人飲金屑倏忽薜英暮平生  
服杏丹顏色真如故屬車塵已遠里巷來窺覷  
共愛宿妝妍君王畫眉處履綦無復有履組光  
未滅不見巖畔人空見凌波襪郵童愛蹤跡私  
手解繫結傳看千萬眼纒絕香不歇指環照骨  
明首飾敵連城將入咸陽市猶得賈胡驚

視刀環歌

常恨言語淺不如人意深今朝兩相視脉脉萬  
重心

三閣詞

四首  
吳聲

貴人三閣上日晏未梳頭不應有恨事嬌甚却  
成愁

珠箔曲瓊鈎子細見揚州北兵那得度浪語聲  
悠悠

沈香帖閣柱金縷畫門楣迴首降幡下已見黍  
離離

三人出管井一身登檻車朱門漫臨水不可見  
鱸魚

博山烟烟吐香霧紅燭引至更衣處夜如何其  
更衣曲

夜漫漫鄰鷄未鳴寒鴈度庭前雪壓松桂叢廊  
下點點懸紗籠滿堂醉客爭笑語嘈嘈琵琶音  
幕中

淮陰行 五首 并引

古有長干行言三江之事悉矣余嘗阻風淮陰  
作淮陰行以禪樂府  
簇簇淮陰市竹樓綠岸上好日起檣竿烏飛鷺  
五兩

今日轉舡頭金烏指西北煙波與春草千里同  
一色

船頭大銅鑼摩挲光陣陣早晚使風來沙頭一  
眼認  
何物令懷羨羨郎船尾燕銜泥趁檣竿宿食長  
相見

隔浦望行船頭昂尾幘幘無柰洗菜時清淮春  
浪軟

競渡曲

競渡始於武陵及令舉楫而相和之其  
音咸呼之何在斯招屈之義事見圖經

沅江五月平堤流邑人相將浮彩舟靈均何年  
歌已矣哀謠振楫從此起揚枹擊節雷闐闐亂  
流齊進聲轟然蛟龍得雨鱗鬣動蟠螭飲河形

影聯刺史臨流褰翠幘揭竿命爵分雄雌先鳴  
餘勇爭鼓舞末至銜枚顏色沮百勝本自有前  
期一飛由來無定所風俗如狂重此時縱觀雲  
委江之湄綵旂夾岸照鮫室羅襪凌波呈水嬉  
曲終人散空愁暮招屈亭前水東注

堤上行

三首

酒旗相望大堤頭堤下連檣堤上樓日暮行人  
爭渡急槳聲幽軋在中流

江南江北望煙波入夜行人相應歌桃葉傳情  
竹枝怨水流無限月明多

長堤繚繞水徘徊酒舍旗亭次第開日晚上樓  
招估客軻載大編落帆來

採菱行

武陵俗嗜苳菱歲秋矣有女郎感遊于白馬湖薄言采之歸以禦客古有採菱曲罕傳其

詞故賦之以  
俟采詩者

白馬湖平秋日光紫菱如錦綵鴛鴦翔盪舟遊女  
滿中央採菱不顧馬上郎爭多逐勝分相嚮時  
轉蘭橈破輕浪長鬢弱袂動參差釵影釧文浮  
蕩漾笑語咤咬顧晚暉蓼花沁岸扣舷歸歸來  
共到市橋步野蔓繫舩萍滿衣家家竹樓臨廣  
陌下有連檣多估客攜觴薦芟夜經過醉踏大

堤相應歌屈平祠下沉江水月照寒波白煙起  
一曲南音此地聞長安北望三千里

秋風引

何處秋風至蕭蕭送鴈羣朝來入庭樹孤客最  
先聞

莫徭歌

莫徭自生長名字無符籍市易雜鮫人婚姻通  
木客星居占泉眼火種開山脊夜渡千仞谿含  
沙不能射

壘子歌

蠻貊鈎輶音蠻衣斑斕布熏狸掘沙鼠時節祠  
盤瓠忽逢乘馬客恍若驚麋顧腰斧上高山意  
行無舊路

洞庭秋月行

洞庭秋月生湖心層波萬頃如鎔金孤輪徐轉  
光不定遊氣濛濛隔寒鏡是時白露三秋中湖  
平月上天地空岳陽城頭暮角絕蕩漾已過君  
山東山城蒼蒼夜寂寂水月逶迤繞城白盪漿  
巴童歌竹枝連檣估客吹羌笛勢高夜久陰力  
全金氣肅肅開清蹕浮雲野鳥歸四裔欄干星

斗當中天天鷄相呼曙霞出劍影含光讓朝日  
日出喧喧人不間夜來晴景非人間

踏歌詞

四首

春江月出大堤平堤上女郎連袂行唱盡新詞  
觀不見紅霞映樹鷓鴣鳴

桃蹊柳陌好經過燈下妝成月下歌為是襄王  
故宮地至今猶自細腰多

新詞宛轉遞相傳振袖傾鬟風露前月落烏啼  
雲雨散遊童陌上拾花鈿

日暮江頭聞竹枝南人行樂北人悲自從雪裏

唱新曲直到三春花盡時

華清詞

日出驪山東徘徊照溫泉樓臺影玲瓏稍稍開  
白煙言昔太上皇常居此祈年風中間清樂往  
往來列仙翠華入五雲紫氣歸上玄哀哀生人  
淚泣盡弓劍前聖道本自我凡情徒顯然小臣  
感玄化一望青冥天

步虛詞 二首

阿母種桃雲海際花落子成二千歲海風吹折  
最繁枝跪捧瓊盤獻天帝

華表千年一鶴歸凝丹爲頂雪爲衣星星仙語  
人聽盡却向五雲翻翅飛

桃源行

漁舟何招招浮在武陵水拖綸擲餌信流去誤  
入桃源行數里清源尋盡花綿綿踏花覓逕至  
洞前洞門蒼黑煙霧生暗行數步逢虛明俗人  
毛骨驚仙子爭來致詞何至此須臾皆破冰雲  
顏笑言委曲問人間因嗟隱身來種玉不知人  
世如風燭筵著石髓勸客食燈爇松脂留客宿  
鷄聲犬聲遙相聞曉光惹籠開五雲漁人振衣

起出戶滿庭無路花紛紛翻然恐迷鄉縣處一  
息不肯桃源住桃花滿谿水似鏡塵心如垢洗  
不去仙家一出尋無蹤至今水流山重重

魏宮詞 二首

日晚長秋簾外報望陵歌舞在明朝添爐火欲  
熏衣麝憶得分明不忍燒

日映西陵松栢枝下臺相顧一相悲朝來樂府  
長歌曲唱着君王自作詞

阿嬌怨

望見葳蕤舉翠華試開金屋掃庭花須臾宮女

傳來信言幸平陽公主家

九華山歌 并引

九華山在池州青陽縣西南九峯競秀神采奇  
異昔予仰太華以爲此外無奇愛女几荆山以  
爲此外無秀及今見九華始悼前言之容易也  
惜其地偏且遠不爲世所稱故歌以大之

奇峯一見驚魂魄意想洪爐始開闢疑是九龍  
天矯欲攀天忽逢霹靂一聲化爲石不然何至  
今攸攸億萬年氣勢不死如騰音媽輕雲含幽  
兮月添冷日疑暉兮江漾影結根不得要路津

迥秀長在無人境，軒皇封禪登雲亭。大禹會計  
臨東溟，乘櫟不來廣樂絕。獨與猿鳥愁青瑩，君  
不見，劭亭之山黃索漠。兀如斷岸無稜角，宣城  
謝守一首詩，遂使名聲齊五嶽。九華山九華山  
自是造化一尤物，焉能籍甚乎人間。

送春曲

三首

春向晚春晚，思悠哉。風雲日已改，花葉自相催。  
漠漠空中去，何時天際來。  
春已暮，冉冉如人老。映葉見殘花，連天是青草。  
可憐桃與李，從此同桑棗。

春景去此去，何時迴遊人。千萬恨，落日上高臺。  
寂寞繁花落盡，流鶯歸不來。

初夏曲

三首

銅壺方促夜，斗柄暫南迴。稍嫌單衣重，初憐北  
戶開。西園花已盡，新月爲誰來。  
時節遇繁華，陰陰千萬家。巢禽命子戲，園果墜  
枝斜。寂寞孤飛蝶，窺叢覓晚花。  
綠水風初暖，青林露早晞。麥田雉朝雉，桑野人  
暮歸。百舌悲花盡，無聲來去飛。

柳花詞

三首

開從綠條上散逐香風遶故取花落時悠揚占  
春草

輕飛不假風輕落不委地撩亂舞晴空發人無  
限思

晴天點點雪來送青春暮無意似多晴千家萬  
家去

送春詞

昨來樓上迎春處今日登樓又送歸蘭藥殘妝  
含露泣柳條長袖向風揮佳人對鏡容色改楚  
客臨江心事違萬古至今同此恨無如一醉盡

志機

秋詞 二首

自古逢秋悲寂寥我言秋日勝春朝晴空一鶴  
排雲上便引詩情到碧霄

山明水淨夜來霜數樹深紅出淺黃試上高樓  
清入骨豈如春色嗾人狂

劉夢得文集卷第八

隆慶野文卷第九  
 春入骨  
 山即水  
 琳雲  
 自古  
 云

劉夢得文集卷第九

樂府

秦娘歌

秋扇詞

搗衣曲

七夕

龍陽縣歌

度桂嶺歌

插田歌

畚田行

蒲萄歌

鷓鴣吟

牆陰歌

觀雲篇

踏潮歌

百花行

春有情篇

路傍曲

一盤菱得九

白鷺兒

壯士行

邊風行

竹枝詞

楊柳枝詞

浪濤沙詞

瀟湘神詞

拋毬樂詞

又楊柳枝詞

又竹枝詞

紇那曲

泰娘歌

并引

泰娘本韋尚書家主謳者初尚書為吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工

於是又損去故技以新聲度曲而泰娘名字往往見稱於貴遊之間元和初尚書薨于東京泰娘出居民間久之為蘄州刺史張恣所得其後恣坐事謫居武陵郡恣卒泰娘無所歸地荒且遠無有能知其容與藝者故日抱樂器而哭其音焦殺以悲雜客聞之為歌其事以足于樂府云爾

泰娘家本昌門西門前綠水環金堤有時妝成好天氣走上臯橋折花戲風流太守韋尚書路傍忽見停隼旗斗量明珠鳥傳意紺憶迎入專

城居長髮如雲衣似霧錦茵羅薦承輕步舞學  
驚鴻水榭春歌撩上客蘭堂暮從郎西入帝城  
中貴遊簪組香簾攏低幃緩視抱明月纖指破  
撥生胡風繁華一旦有銷歇題劍無光履聲絕  
洛陽舊宅生草萊杜陵蕭蕭松柏哀妝奩蟲網  
厚如繭博山鑪側傾寒灰蘄州刺史張公子白  
馬新到銅駝里自言買笑擲黃金月墮雲中從  
自始安知鵬鳥坐隅飛寂寞旅魂招不歸秦家  
鏡有前時結韓壽香銷故篋衣山城少人江水  
碧斷鴈哀猿風雨夕朱絃已絕爲知音雲鬢未

秋私自惜舉目風煙非舊時夢尋歸路多參差  
如何將此千行淚更灑湘江斑竹枝

秋扇詞

莫道恩情無重來人間榮謝遞相催當時初入  
君懷袖豈念寒爐有死灰

搗衣曲

爽砧應秋律繁杵含淒風一一遠相續家家音  
不同戶庭凝露清伴侶明月中長裾委襞積輕  
珮垂璁瓏汗餘衫更馥鈿移麝半空報寒驚邊  
鴈促思聞候蟲天狼正芒角虎落定相攻盈篋

寄何處征人如轉蓬

七夕 二首

河鼓靈旗動常娥破鏡斜滿空天是幕徐轉斗  
爲車機罷猶安石橋成不礙查寧知觀津女竟  
夕望雲涯

天衢落雲帳神馭上星橋初喜渡河漢頻驚轉  
斗杓餘霞張錦幃輕電閃紅綃非是人間世還  
悲後會遙

龍陽縣歌

縣門白日無塵土百姓縣前挽魚罟主人引客

登大堤小人縱觀黃犬怒鷓鴣驚鳴遶籬落橘  
柚垂芳照牕戶沙門草綠見吏稀寂歷斜陽照  
懸鼓

度桂嶺歌

桂陽嶺下下復高高人稀鳥獸駭地遠草木豪  
寄言千金子知余歌者勞

插田歌 并引

連州城下俯接村墟偶登郡樓適有所感遂書  
其事爲俚歌以俟采詩者

岡頭花草齊鷺子東西飛田塍望如線白水光

參差農婦白紵裙農夫綠蓑衣齊倡田中歌嚶  
傳如竹枝但聞怨響音不辨俚語詞時時一大  
笑此必相嘲嗤水平苗漠漠煙火生墟落黃犬  
往復還赤雞鳴且啄路傍誰家郎烏帽衫袖長  
自言上計吏年初離帝鄉田夫語計吏君家儂  
足諳一來長安罷眼大不相參計吏笑致詞長  
安真大處省門高軻峨儂人無度數昨來補衛  
士唯用筒竹布君看二三年我作官人去

畬田行

何處好畬田團團縵山腹鑽龜得雨卦上山燒

卧木驚麋走且顧羣雉聲唧啞紅焰遠成霞輕  
煤飛入郭風引上高岑獵獵度青林青林望靡  
靡赤光低復起照潭出老蛟爆竹驚山鬼夜色  
不見山孤明星漢間如星復如月俱逐曉風滅  
本從敲石光遂致烘天熱下種暖灰中垂陽拚  
牙孽蒼蒼一雨後蒼蘚如雲發巴人拱手吟耕  
耨不關心由來得地勢徑寸有餘陰

蒲萄歌

野田生蒲萄纏繞一枝蒿移來碧墀下張王日  
日高分收浩繁縹脩蔓蟠詰曲揚翹嚮庭柯意

思如有屬爲之立長架布護當軒綠米液漑其  
根理踈看滲漉繁葩組綬結懸實珠璣感馬乳  
帶輕霜龍鱗躍初旭有客汾陰至臨堂瞪雙目  
自言我晉人種此如種玉釀之成美酒令人飲  
不足爲君持一斗往取涼州牧

鷓鴣吟

朝陽有鳴鳳不聞千萬祀鷓鴣摧衆芳畏聞先  
入耳秋風白露晞從是爾啼時如何上春日唧  
唧滿庭飛

牆陰歌

白日左右浮天潢朝脯影入東西牆昔爲童兒  
在陰戲當時意小覺日長東鄰侯家吹笙簧隨  
陰促促移象牀西隣田舍乏糴糠就影汲汲舂  
黃梁因思九州四海外家家只占牆陰內莫言  
牆陰數尺閒老却主人如等閒君看眼前光景  
促中心莫學太行山

觀雲篇

興雲感陰氣疾走如見機晴來意態行有若功  
成歸葱蘢含晚景潔白凝秋暉深夜渡銀漢漠  
漠仙人衣

踏潮歌

并引

元和十年夏五月終風駕濤南海羨溢南人云  
踏潮也率三更歲一有之余爲連州客或爲予  
言其狀因歌之附于南越志

屯門積日無迴颶滄波不歸成踏潮轟如鞭石  
砢且搖亘空欲駕鼉鼉橋驚湍感縮悍而驕大  
陵高岸失峇楚四邊無阻音響調背負元氣掀  
重霄介鯨得性方道遙仰鼻噓吸揚耒翹海人  
狂顧迭相招芻衣騷首聲嘒嘒征南將軍登麗  
譙赤旗指麾不敢囂翌日風迴沴氣消歸濤納

納景昭昭烏泥白沙復滿海海色不動如青瑤

百花行

長安百花時風景宜輕薄無人不沽酒何處不  
聞樂春風連夜動微雨凌曉濯紅豔出牆頭雪  
光映樓角繁紫韻松竹遠黃連籬落臨路不勝  
愁輕飛去何託滿庭蕩魂魄照廡成丹渥爛漫  
喉顛狂飄零勸行樂時節易婉婉清陰覆池閣  
唯有安石榴當軒慰寂寞

春有情篇

爲問遊春侶春情何處尋花含欲語意草有闌

生心雨頻唯發色雲輕不作陰縱令無月夜芳  
興暗中深

路傍曲

南山宿雨晴春入鳳皇城處處聞絃管無非送  
酒聲

白鷺兒

白鷺兒最高格毛衣新成雪不敵衆禽喧呼獨  
凝寂孤眠芊芊草又立潺潺石前山正無雲飛  
去入遙碧

壯士行

陰風振寒郊猛虎正咆哮徐行出燒地連吼入  
黃茅壯士走馬去鎧前彎玉弣叱之使人立一  
發如鉞交悍情忽星墮飛血濺林梢彪炳爲我  
席羶腥充我庖里中欣害除賀酒紛號嗽明日  
長橋上傾城看斬蛟

邊風行

邊馬蕭蕭鳴邊風滿磧生暗添弓箭力斗上鼓  
鼙聲襲月寒暈起吹雲陰陣成將軍占氣候出  
號夜翻營

竹枝詞

并引  
九首

四方之歌異音而同樂歲正月余來建平里中  
見聯歌竹枝吹短笛擊鼓以赴節歌者揚袂睢  
舞以曲多爲賢聆其音中黃鍾之羽其卒章激  
訐如吳聲雖儉儻不可分而含思宛轉有湛澹  
之豔昔屈原居沅湘間其民迎神詞多鄙陋乃  
爲作九歌至于今荆楚鼓舞之故余亦作竹枝  
詞九篇俾善歌者颺之附于末後之聆巴歛知  
變風之自焉

白帝城頭春草生白鹽山下蜀江清南人上來  
歌一曲北人莫上動鄉情

山桃紅花滿上頭蜀江春水拍江流花紅易衰  
似郎意水流無限似儂愁

江上春來新雨晴灑西春水穀文生橋東橋西  
好楊柳人來人去唱歌行

日出三竿春霧消江頭蜀客駐蘭橈馮寄狂夫  
書一紙住在成都萬里橋

兩岸山花似雪開家家春酒滿銀杯昭君坊中  
多女伴永安宮外踏青來

城西門前灩澦堆年年波浪不能摧懊惱人心  
不如石少時東去復西來

瞿唐嘈嘈十二灘此中道路古來難長恨人心  
不如水等閒平地起波瀾  
巫峽蒼蒼煙雨時清猿啼在最高枝箇裏愁人  
腸自斷由來不是此聲悲  
山上層層桃李花雲間煙火是人家銀釧金釵  
來負水長刀短笠去燒畬

楊柳枝詞

九首

塞北梅花羞笛吹淮南桂樹小山詞請君莫奏  
前朝曲聽唱新翻楊柳枝  
南陌東城春早時相逢何處不依依桃李白

皆誇好須得垂楊相發揮

鳳闕輕遮翡翠幃龍墀遙望麴塵絲御溝春水  
相暉映狂殺長安年少兒

金谷園中鶯亂飛銅駝陌上好風吹城東桃李  
須臾盡爭似垂楊無限時

花萼樓前初種時美人樓上鬢腰支如今拋擲  
長街裏露葉如啼欲恨誰

煬帝行宮汴水濱數株殘柳不勝春晚來風起  
花如雪飛入宮牆不見人

御陌青門拂地垂千條金縷萬條絲如今縮作

同心結將贈行人知不知  
城外春風吹酒旗行人揮袂日西時  
長安陌上無窮樹唯有垂楊管別離  
輕盈媚娜占年華舞榭妝樓處處  
避春盡絮飛留不得隨風好去落誰家

浪濤沙詞

九首

九曲黃河萬里沙浪濤風簸自天涯  
如今直上銀河去同到牽牛織女家  
洛水橋邊春日斜碧流輕淺見瓊砂  
無端陌上狂風急驚起鴛鴦出浪沙

汴水東流虎眼文清淮晚色鴨頭春  
君看渡口濤沙處渡却人間多少人

鸚鵡舟頭浪飈沙青樓春望日將斜  
銜泥鷺子爭歸舍獨自狂夫不憶家

濯錦江邊兩岸花春風吹浪正濤沙  
女郎剪下鴛鴦錦將嚮中流定晚霞

日照澄州江霧開淘金女伴滿江隈  
美人手飾侯王印盡是沙中浪底來

八月濤聲吼地來頭高數丈觸山迴  
須臾却入海門去卷起沙堆似雪堆

莫道讒言如浪深莫言遷客似沙沈千濤萬漉  
去雖辛苦吹盡狂沙始到金  
流水濤沙不暫停前波未滅後波生令人忽憶  
瀟湘渚迴唱迎神三兩聲

瀟湘神詞

二首

湘水流湘水流九疑雲物至今愁君問二妃何  
處所零陵香草露中秋  
斑竹枝斑竹枝淚痕點點寄相思楚客欲聽瑤  
瑟怨瀟湘深夜月明時

拋毬樂詞

二首

五絲繡團圓登君瑋瑋最宜紅燭下偏稱落  
花前上客如先起應須贈一船  
春早見花枝朝朝恨發遲及看花落後却憶未  
開時幸有拋毬樂一杯君莫辭

楊柳枝詞

二首

迎得春光先到來淺黃輕綠映樓臺  
多情思便被春風長暗催

巫峽巫山楊柳多朝雲暮雨遠相和因想陽臺  
無限事爲君迴唱竹枝歌

竹枝詞

二首

楊柳青青江水平聞郎江上唱歌聲東邊日出  
西邊雨道是無晴還有晴


楚水巴山江雨多巴人能唱本鄉歌今朝北客  
思歸去迴入紇那披綠羅



楊柳鬱青青竹枝無限情同郎一迴顧聽唱紇  
那聲

踏曲興無窮調同詞不同願郎千萬壽長作主  
人翁

正然右已上詞先不入集今附卷末

劉夢得文集卷第九





圖書集成卷第...

圖書集成卷第...

圖書集成卷第...

